



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 48. Conditiones pro libertate Galliarum Regis Carolo oblatæ.

[urn:nbn:de:hbz:466:1-66472](https://nbn-resolving.org/urn:nbn:de:hbz:466:1-66472)

rum administratione, cæremoniis, aliisque Ecclesiæ ritibus: Insuper fuit sancitum, in quovis Pago nonnullos esse constituendos, qui unacum Magistratibus, publicisque Curix Ministris cum omni cura & sollicitudine invigilent, ut quævis immutatio impediretur, transgressores vero denunciarentur, ac punirentur. Nihilominus contra septem illas Eckii propositiones Zwinglius, qui disputationi interesse non audebat, libellum vulgavit; ex adverso autem Joannes Faber ingentem edidit numerum antilogiarum, quas ex Zwinglii ac Lutheri doctrina deprompserat; pari etiam Religionis studio Murnerus utriusque hæresiarchæ crimina, ac sacrilegia detexit. Idem quoque Faber Oecolampadii libros castigavit, atque ex illis plusquam centum quinquaginta recensuit mendacia.

Sæcul. XVI.
A.C. 1526.

§. XLVIII.

*Conditiones pro libertate Galliarum
Regis Carolo oblatae.*

Interea Joannes Selva primus Parisiensis Senatus Præses, & Montmorentius Dux nomine Galliarum Regis cum Cattinnario & Antonio de Palmos Cæsaris Oratoribus assidua Madriti habebant colloquia, in quibus de libertate

Memoir. historique & politique de la Maison d'Autriche tom. I. p. 226.

Sæcul. XVI. Francisci I. ultro citroque agebant.
A.C. 1526 Tandem vero post crebras utrinque con-
 tentiones de sequentibus conventum est
 conditionibus. I. Franciscus Rex om-
 nia sua jura, titulosque in Mediolanen-
 sem ditionem non minus, quam in Nea-
 polis & Siciliæ Regnum missos faciet.
 II. Borbonio omnes ditiones, & præ-
 dia restituet, ac damna eidem a tempore
 sui e Galliis discessus illata resarciet.
 III. Angliæ Regi debitam pecuniarum
 summam solvet. IV. Lytrum Cæsari ab
 ejus Deputatis præscribendum pro li-
 bertate recuperanda pendet. V. Impe-
 ratorem cum exercitu terrestri, ac ma-
 ritimo ad suam coronationem euntem
 comitabitur.

§. XLIX.

*Cæsaris consensus in pacem cum Gal-
liarum Rege.*

Verum Cæsar hisce conditionibus nec-
 dum contentus erat; unde Franci-
 scus Galliarum Rex diuturnæ captivita-
 tis tædio adactus Selvam Præsidem, ac
 Montmorencium Ducem die secunda Ja-
 nuarii Anno Salutis millesimo quingen-
 tesimo vigesimo sexto adesse jussit, da-
 to utrique negotio, ut quovis demum
 pacto Regis sui libertatem procurarent,
 hancque in rem quæcunque peterent,
 omni-